

ادبیات عمومی و تہذیبی

ہفتہ لقی سیاسی ، ادبی ، علمی غزتہ در

جلد : ۳

سنہ : ۲ ۲۰ رمضان ۱۳۳۶ جمہ ایزتی ۲۹ خیزان ۱۹۱۸ نومرو ۴۲ — ۷۴

اجمال افکار

ترجمہ نك غلبہ و مظہریتی

برملتک غلبہ ایتہسی ایچون لسانک دہ مظہر اولہسی شرطدر . روسیہ ، برچوق ملل واقوامی تمثیل و تجنیس ایتدی . بریرہ کیردیکی وقت اورایہ لساتی دہ ادخالہ چالشدی . روس لسانی احتیاجات عصریہ یہ موافق برحالہ کلدی . بودیل ایلہ ہریکی فکر افادہ ، ہریکی مضمون بولسانلہ ادا اولونیوردی . انگلیزجہ ، فرانسیزجہ ، آلمانجہ ہیچ بر عبارتہ اساسیہ یوقدی کہ موسقوفجہ یہ قابل نقل و ترجمہ اولہسون . روس دیلی ، ہرمنور ودانشمندی ، حتی ہر متفکری السنہ سائرہ یی اوکرہ نمہ دن وارستہ براقیوردی . حلول و نفوذ ، فتح و تسخیر ، یالکز سیف ایلہ اولماز ، لسانلہ دہ اولور . روس عرفانک حضورندہ سرفرو ایدرم . آلمان ، فرانسیز ، انگلیز ، ایتالیان ، اونلردن صوکرہ روس پک کری قالماز . ہریوک روس مرکزی ، بردہ روس مقر عرفانیدر . [قزان] کی اوزاق شہرلردہ بیلہ دارالفنونلر وار . روس ایلندہ چیقان غزتہلر ، [تایمس] لرلہ قابل مقایسہ در . روسیہ نك ہریرندہ کوزل کوزل و پک مفید مجموعہلر چیقیور . قادینلر او قویور . ہرکس ، برغدا ی عرفان

شرقی [۱]

جمال شیوه کاره باق
کمال کردکاره باق
خیالی، کور وجودده
نقرات

جمال شیوه کاره باق
نهدر او کوزده کی فسون ؟
باقچه محو اولور سکون
اولنجه طالب جنون
جمال شیوه کاره باق

مصطفی رشید

[۱] استاد شهر یمن افندی « هزام » دن بسته لاشدر .

مزج اوزان

نسل اخیر، یارز و مطرد آهنکاره تحمل ایده میور : طوتولاماز کی ، مبهم کی طوران فقط حقیقتده غایت ریاضی قواعدده استناد ایدن بروزن ایستیور : اختیارلر نه دیرسه دیسین ، آتی دائماً ماضیدن دها حساس و کوزل . نه هجه وزنك بواشه و بك قید سزلفی نه ده عروضك ، صیم صیق قوستومی چکیلیور . برنجیسنی براز طارامق طویلایمق ، ایکنجیسنی ده انجیتمه دن کنیشله تمك چاره لرینی کچن مقاله میده عرض ایتش ایدم .

مع مافیه قاعده لری یازیویرمك دکل ، بونلری اولاشاعرلر مزه صوکر ا قارئلر مزه سودیرمك لازم . مملکت مزده ، کوزینی آچوب قاپایوب برکرده یوتقونان هر ذات ، عقلنه ایلک کلن فکری طاله قبول ایتدیرمه به قالیشدیغندن هر کس یکیلکه دشمن کسادی . کندیمدن ده حس ایدیورم که بومسئله ده قارئلر حقلیدر . بوکا قارشی ایکی سلاح قوللانیورم : بری ، تکلیفمک کینی دکل بونون نمایلات بشریه به و علم الروح قواعدینه مطابق اولسی کیفیت . باشقه تعبیرله عرض ایدهیم : مادام که بشر، شیده ال